

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek


Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Das erst Capitel. Ist von
 der gepurten der zwenundvierzig altueter. vō
 vnderfchyd irer gepurte. Vñ vō d̄ gepurt chris-
 sti. auß Maria. vnd wie der engel d̄ ioseph er-
 schyne. do er Mariam verlassen wolt.



Als Buch
Des geschle-
 chtes Ihesu christi
 des suns Dauids.
 des suns Abrahās.
 Abrahā gebar isaac
 Isaac aber gebar

iacob. Aber iacob gebar iudam vnd sein brüder
 Judas aber gebar phares vnd zaram von tha-
 mar. Phares aber gebar esrom. Esrom gebar
 aram. Aram aber gebar aminadab. Vnd amin-
 nadab gebar naason. Naason aber gebar sal-
 mon. Salmon aber gebar booz von raab. Booz
 aber gebar obeth von ruth. Vnd obeth gebar
 yesse. Aber yesse gebar dauid den künig. Vnd
 dauid der künig gebar salomon. auß der. die do
 was vrie. Salomon aber gebar roboam. Robo-
 am aber gebar abia. Abias aber gebar asa. Asa
 aber gebar iosaphat. Josaphat aber gebar io-
 raz. Joram aber gebar ozia. Ozias aber gebar
 ioathā. Joathan aber gebar achas. Achas aber
 gebar ezechia. Ezechias aber gebar manassen.
 Manasses aber gebar amō. Amon aber gebar
 iosiam. Josias aber gebar iechoniam. vnd sein
 brüder. in d̄ vbergāg der babilonier. Vñ nach
 dem vbergang der babilonier iechonias gebar
 salathiel. Salathiel aber gebar zorobabel. zoro-
 babel aber gebar abiud. Abiud aber gebar elia-
 chim. Eliachim aber gebar azor. Azor aber ge-
 bar sadoch. Sadoch aber gebar achim. Achim
 aber gebar eliud. Eliud aber gebar eleazar. Ele-
 azar aber gebar mathan. Mathan aber gebar
 iacob. Jacob aber gebar ioseph den man Ma-
 rie. von der ist geboren ihesus. der do ist gene-
 het christus. Vnd also alle geschlecht von abrahā
 bis zu dauid waren vierzehen geschlecht. vñ vō
 dauid bis zu dez vbergang der babilomer vier-
 zehen geschlecht. vnd von dem vbergang d̄ ba-
 bilomer bis zu Christum vierzehen geschlecht.
 Aber das geschlecht christi was also. Da Ma-
 ria die muter Ihesu was vermehelt Joseph. ee
 das sie zusammen kamen. sie ward funden habed
 in leyb von dem heyligen geyst. Vnd ioseph

ir gemahel do er was gerecht vnd wolt sy nicht
 nemen. er wolt sie heymlich lassen. vnd da er ge-
 dacht dise ding. seht d̄ engel des herren erschyn
 im in dem schlaff. sagend. Joseph du sun dauids
 nicht fürcht dir zenemen Mariam deine gema-
 hel. Wan das in ir ist geboren. das ist vō d̄ hey-
 ligen geyst. Wan sie wirt geben einen sun. vñ
 du wirst seinen namen heysen ihesus. Wan er
 wirt haylsam machen sein volck von iren sündē
 Vnd das ist alles geschehen. daz erfüllt wurd
 das gesagt ist von dem herren durch ysaiam d̄
 weyssagē. sagend. Seht ein iunckfraw wirt ha-
 ben in leyb vnd geperen einen sun. vnd sein naz
 wirt genennet emanuel. Das wirt außgeleget.
 got mit vns. Vñ ioseph stundauff vō d̄ schlaf
 vnd tet als im der engel des herren het gebotē
 Vnd nam mariam seinen gemahel. vnd erkant
 sie mit. bis das sie gebar iren erstengebome sun
 vnd er hieß seinen namen ihesus.

Das. II. Capitel. wie die
 künig. mit gabe kamen. vnd von erscheynung
 des sterns. Vñ wie ioseph durch den engel ver-
 manet. mit dem kind. vnd seiner muter in egyptē
 flohe. Wie die kleynen kindlein getötet wurdē
 Vnd wie Ihesus wider auß egypto gen Naz-
 zareth zohē.

ND do ihesus was ge-
 born zu bethleē iude. in d̄ tage herodis
 des künigs. Seht die künig came
 von orie it zu iherusalem. sagend. Wo ist der. der
 do ist geboren ein künig der iudē. Wan wir
 haben gesehen seinen stern in orient. vnd seyen
 kumen in anzebeten. Da das erhört herodes d̄
 künig. er ward betrübt. vnd alles iherusalem mit
 im. vnd samlet alle fürsten der priester. vnd die
 schreyber des volcks. vnd fragt von in. wa chri-
 stus wurde geboren. Vñ sie sagten im. In beth-
 leem iude. Wann also ist geschryben durch den
 propheten. Vnd du bethleez iuda bist nicht die
 minst in d̄ fürsten iuda. wan auß dir wirt auß-
 geen ein fürer. der do regieret mei volck israhel
 Da vordert herodes heymlich die künig vñ ler-
 net fleysigklich von in die zeyt des sterns. der
 in was erschynen. vnd sant sie zu bethleē. sagend
 Geet vnd fragt fleysigklich nach dem kinde
 Vnd so ir es habt funden. so widerkündet mir
 es. das auch ich kün. vñ es anbette. Vnd do sy
 hörten den künig. sie giengen hin. Vñ seht der